



Služba za boračko-invalidsku zaštitu i društvene djelatnosti

Ul. Varoških polja b.b., tel/fax: 035/366-441, e-mail: opc.sreb@bih.net.ba, web: www.srebrenik.ba

Broj: 09-45-29 /20

Datum: 14. 01.2020.godine

Na osnovu člana 15. stav (1) Zakona o mladima Federacije BiH („Službene novine Federacije BiH“, broj: 36/10), a na osnovu Pravilnika o vođenju spiska omladinskih udruženja („Službeni glasnik Grada Srebrenika“, broj: 3/2019), Pomoćnik gradonačelnika - Šef službe za boračko invalidsku zaštitu i društvene djelatnosti Grada Srebrenika objavljuje:

JAVNI POZIV

Omladinskim udruženjima za upis u spisak omladinskih udruženja Grada Srebrenika

Član 1.

Pozivaju se omladinska udruženja koja imaju sjedište ili registrovan ured na području Grada Srebrenika da izvrše upis u spisak omladinskih udruženja Grada Srebrenika.

Član 2.

Omladinsko udruženje prema Zakonu, označava udruženje čije članstvo i organe upravljanja čine dvije trećine mladih, čije su aktivnosti i statutarne djelatnosti većinom usmjerene na mlade, a koje se osniva, registruje, djeluje i prestaje postojati u skladu sa zakonom na osnovu kojeg je i registrovano. Međunarodna udruženja ne mogu dobiti status omladinskog udruženja ako nisu registrovana i u Bosni i Hercegovini.

Član 3.

Omladinska udruženja koja žele predlagati projekte koji se finansiraju iz Budžeta Grada Srebrenika ili biti član Vijeća mladih Grada Srebrenik dužna su se upisati u spisak omladinskih udruženja.

Član 4.

Zahtjev za upis u spisak omladinskih udruženja, podnosi se Službi za boračko invalidsku zaštitu i društvene djelatnosti Grada Srebrenik, nakon što se udruženje registruje kod nadležnog ministarstva pravosuđa i uprave TK-a.

Zahtjev za upis u spisak omladinskih udruženja potpisuje osoba ovlaštena za zastupanje i predstavljanje omladinskog udruženja.

Podaci koji su upisani u zahtjev moraju biti istovjetni sa odredbama Statuta, odlukama i zaključcima organa upravljanja omladinskog udruženja na koje se podaci odnose.

Uz zahtjev za upis u spisak omladinskog udruženja prilažu se:

- Rješenje o registraciji udruženja
- Osnivački akt
- Statut

Prilozi se podnose u originalu ili ovjerenoj fotokopiji.

Član 5.

Prijavni obrazac se popunjava na računaru na jednom od tri službena jezika koja su u upotrebi u BiH, a može se preuzeti sa web stranice Grada Srebrenik i sastavni je dio ovog javnog poziva. Pravilnik o vođenju spiskova omladinskih udruženja dostupan je na web stranici Grada Srebrenika u dokumentima Službe za boračko invalidsku zaštitu i društvene djelatnosti, kao i u Službenom glasniku Grada Srebrenika broj: 3/2019.

Zahtjev sa propisanom dokumentacijom dostavljaju se Službi za boračko invalidsku zaštitu i društvene djelatnosti Grada Srebrenik putem pošte ili direktno na pisarnicu Grada Srebrenika sa naznakom za Javni poziv za upis u spisak omladinskih udruženja.

Član 6.

Ovaj javni poziv se objavljuje na oglasnoj ploči Grada Srebrenik i na web stranici Grada Srebrenik, a ostaje otvoren 30 dana od dana objavljivanja.

POMOĆNIK GRADONAČELNIKA - ŠEF SLUŽBE

Jašarević Muhamed, dipl. kriminalist